

丹陽縣志補遺卷之十二

孝友

元

東泰壽號靜山沈潛好學私淑程朱所與游多醇儒至  
順間爲昌國州滄州書院山長遷杭州學正與諸生  
講學務在綱維名教每歸省母依戀不忍去母趣行  
輒愀然曰以孝教諸生躬乃子職不盡因作家山圖  
以寄懷焉會將掌教常熟告終養歸越十七載母歿  
於墓旁建報德庵購墓田朔望躬往拜奠三十年如  
一日

丹陽縣志補遺

卷之十二 孝友

一

明

朱曰昌字慎庵與弟曰望爲睦東蓀高足母賀病劇曰  
昌刲股療之東蓀規之以詩有捨身何必羨楊香句  
吳學成字德卿號育庵萬厯間舉孝行  
賀學易臬司邦泰子也父歿諸孤弱族眾覬覦其產謀  
陷之族有僕來盜其池魚學易兄弟執而杖之族斃  
其主訟於官議以學易幼弟彥登抵學易命子懋勛  
承之官釋彥登後事白懋勛亦免

東萃良字明卿諸生父宦浙鼎革時棄官以遯萃良擔  
簞芒屨尋遍嶽瀆久乃遇父黃冠中持慟請歸父有

難色長跪不起乃許跋涉半載抵家踰一夕萃良卒  
賀世壽製詞以哀之

荆某字宗瞻崇禎末父偉殉難墊江宗瞻與弟象衡泝  
江入蜀負骸骨歸葛麟稱爲荆氏二白眉

清

賀雲舉字紫翔由副貢授山西絳縣令調浙江鹽官父  
應選任四川資陽縣死闖難雲舉棄官入蜀求遺骸  
弗得慟哭空山中悲感行路

睦之珩字楚白母巢病刲股瘡之其妻病子鍾懿孫宗  
周爭刲臂以進亦瘡

丹陽縣志補遺

卷之十一 孝友

二

吳仲仁年逾五十無子父命以弟子誠之子爲嗣析產  
署約子誠請姑待爲兄納二妾果生子及父歿分財  
兄曰父命也不可違割產與弟子子誠固讓不許亦  
割產與兄子焉彭澧爲之傳

蔡崇基字敦厚弱冠母病篤刺血書文禱北辰願減壽  
一紀益母母夜夢神謂曰汝子孝天錫汝壽一紀疾  
若失後越十二年而卒

蔡璉字商珍年十八母丁病刲臂和糜而瘡

賀昌惠字繼成母劉病刲股肉以進母甦睡達曙竟瘡  
錢大漚字子厚號素庵親有疾衣不解帶者匝月一兄

二弟病困徧爲醫禱卒則厚撫其孤親歿終身肉不  
食宴不預冠服不華采雨雪必往省墓彭澧有傳  
胡承高字爾瞻號東山邑東邵巷人精數學父琳因痰  
膈刲臂和藥以瘳之妻景惠吐瀉亦以子裕俊刲臂  
而瘳

束槐字祐山號廷直六歲喪母家貧父外授讀槐孝事  
繼母妻譚亦賢孝繼母年邁目盲槐夫婦晨夕爲吮  
舐逾三年日復明乾隆庚午縣給匾旌

束錫綬字鵠園舉人檄署高淳教諭選授江陰俱不赴  
母吉氏有隱疾躬爲滌穢溺凡事先意順承數十年

丹陽縣志補遺

卷之十一

孝友

三

弗渝及疾革屬續飯含櫛沐衣履一不假人手慟絕  
久之而甦兄歿時錫綬赴都會試歸而長號咯血隱  
居教授不蹈城市著經義及古文詞數十卷因亂散  
佚

王乾瑾字湘卿孝義具詳前志成同間先後得旨獎給  
翰林院待詔旌表孝子光緒二十二年春子坤厚建  
孝子坊於仙霞嶺西

丹陽縣志補遺卷之十二終